



Inatsisartunut ilaasortaq
Aleqa Hammond

Saaffiginnittarfimmiunngorniartarneq pillugu § 36 naapertorlugu apeqqummut nr. 2009-16-imut akissut

Asasara Aleqa Hammond

Aalborgimi saaffiginnittarfimmiunngorniarterup sivisussusiata kalaallinut danskinullu assigiinngissinnaanera pillugu apeqqutinnut, kiisalu sivisussutsip inuussutissarsiutiginiarlugu ilinniartitaanernut allanut naleqqersuunneqarsinnaasunut assigiinngissinnaanera pillugu apeqqutinnut Naalakkersuisut qujapput.

Matumuuna apeqqutitit ataani allassimasut Naalakkersuisut sinnerlugit akissavakka:

1. Aleqa Hammondip maluginiarsimavaa Namminersornerusut ilinniqaqqinniarluni paasisassarsiorfittut nittartagaanni Sunngumi saaffiginnittarfimmiunngorniartarluni ilinniartarneq Aalborgimi ukiunik pingasuni qaammatinilu marlunnik sivisussuseqartoq, danskit nunaanni ilinniagaqarniarlutik paasiniaavianni www.ug.dk-mi sivisussusilerneqarsimavoq taanna ukiunut marlunnut qaammatinullu sisamanut. Naalakkersuisunit paasisutissat qulaaniittut eqqortuunerat uppernarsarneqarsinnaava?
2. Aammattaaq Aleqa Hammond apereqqippoq: Paasisutissat saqqummersut eqqortuusimappata Naalakkersuisut inussiarnersumik piumaffigissavakka nassuiaatigeqqullugu itisilerlugulu Kalaallit Nunaannit ilinniarniarlutik qinnuteqartunut ”assigiinngisitsinerup” tungavia.
3. Assersuutit qulaani taaneqartut aallaavigalugit Aleqa Hammondip aamma paaserusuppaa ajornartorsiut aamma inuussutissarsiutiginiarlugu ilinniartitaanernut allanut naleqqersuunneqarsinnaasunut Kalaallit Nunaanni Danmarkimilu ingerlanneqartartunut atuunnersoq.

Apeqqutininut 1-imut 2-mullu akissutit:

Apeqqutininut 1-imut 2-mullu tunngatillugu www.sunngu.gl -imi allanngortitsisimanninneq INUILI-mit kukkuneruvoq. Aalborgimi saaffiginnittarfimmiunngorniartarluni ilinniartarneq kalaallinut danskinullu sivisussusia assigiippoq. Saaffiginnittarfimmiunngorniartarneq qanittukkut DK-mi allanngortinneqarpoq allannguinerlu taanna aamma soorunami www.sunngu.gl -

23. februar 2009
J.nr. 2007-003194
Dok nr.144878

Postboks 1029
3900 Nuuk
Oq/tel +299 34 50 00
Fax +299 32 20 73
Kiiip@gh.gl
www.nanoq.gl/kiiin

imut ilanngunneqassaaq. Aammattaaq INUILI-mi ilinniartitaanerit danskit ilinniartitaanerisa assingi pitsaassutsimut sivisussutsimullu tunngatillugu assigiipput.

Apeqquummut 3-mut akissut:

NI Qaqortoq & NI Nuuk

Apeqquummut 3-mut tunngatillugu ilisimatitsissutigineqassaaq Niuernermik Ilinniarfimmit Qaqortumiittumit aamma Niuernermik Ilinniarfimmit Nuumiittumit ilisimatitsissutigineqarmat systemiminni kalaallinik danskinit qinnuteqartunit sivisunerusumik Danmarkimi ilinniarniartunik qinnuteqartoqarneq ajormat.

ATI-Maniitsoq

Aammattaaq Maniitsumi ATI-p oqaatigaa ilinniartitaanerni ATI-mi ilinniartitaanernut assersuunneqarsinnaasuni assigiinngisitsisoqanngitsoq.

Saviminilerinermik Ilinniarfik, Nuuk

Saviminilerinermik Ilinniarfik elektrikerinik svagstrømilerisunillu Danmarkimut ilinniariartortitsisarpoq.

Suliassaqarfanni taakkunani marlunni danskit nalunaarutaat naapertorlugu kalaallit ilinniartut ilinniartinneqartarput – kiisalu angusinerup kingorna danskit/nunat tamalaat angusisimanermut uppersaataat tunniunneqartarput.

Inerniliineq:

Taamaattumik Inuussutissarsiutinut ilinniartitaanerni ilinniartut kalaallit danskillu assigiinngisinneqanngillat. Kalaallit ilinniartut danskit inuussutissarsiutinut ilinniarfiini ilinniaangata tamanna danskit nalunaarutaanni killiliussat naapertorlugit pisarpoq kalaaliuneq danskiunerluunniit apeqqu-taatinnaq. Killiliunneqartuni ilinniarniartunik sivisussusia allaanerunngilaq.

Ikinngutinnersumik inuulluaqqusillunga

Tommy Marø